

Uunga siunnersuut: Sermip erngullu niuernikkut iluaqutigineqarnissaat pillugu Inatsisartut inatsisaat nr. xx, xx. xxx 2018-imeersoq

(Inuussutissarsiornermut Nukissiuuteqarnermullu Naalakkersuisoq)

Saqqummiussissut

(Inuussutissarsiornermut Nukissiuuteqarnermullu Naalakkersuisoq)

Siullemeerneqarnera

Matumuuna Naalakkersuisut sinnerlugit sermip erngullu niuernikkut iluaqutigineqarnissaat pillugu Inatsisartut inatsisissaannut siunnersuut saqqummiutissavara, taannalu 2017-2018-mut sermip erngullu avammut nioqqutissatut atorneqarnissaanut periusissiaq nutaaq tunngavigalugu suliaavoq.

Sermip erngullu niuernikkut iluaqutigineqarnissaat pillugu Inatsisartut inatsisaannut siunnersuut Inatsisartut inatsisaannit atuuttumit annertungaatsiartumik tunngaveqarpoq. Allannguutissatut inatsisiliortoqarani Inatsisartut inatsisaannik nutaamik siunnersuuteqarpugut, taamaaliornikkut inatsisissaq nutaaq taamaalilluni ataatsimut isigalugu pisariinnerulerlunilu paasiuminarnerulissammat.

Siunnersuummi nunani tamalaani niuerfinnut avammut nioqquteqarnek, kiisalu nunatsinni niuerfinni pilersuineq ilaatinneqarput. Aalajangersakkani nutaani pineqarput sermip erngullu tapiiffigineqanngitsumik atorneqarnissaa siunertaralugu sermimik imaluunniit imermik isumalluummik ataatsimik tassannga atuinissamik akuersissummik pisinnaatitsinermik piginnittut arlallit nalunaaruteqarfigisinnaanerit. Kisermaassilluni atuisinnaanermut akuersissut aamma tunniunneqarsinnaavoq tamanna aningaaliisartut ilaannit piunasaqaataasinnaammat. Aammattaaq pissutsit allat pillugit aalajangersakkanik siunnersuut imaqarpoq, soorlu Namminersorlutik Oqartussanut akitsuutitik akiliutissanik pisinnaatitsissummik pigisaqartup akiliuteqartarnissaa pillugu, aammalu atuiffigisap nalaani ukiuni siullerni akiliutissanik aamma akileraarutitik aamma akitsuutitik taakkuninnga akiliuteqarnissamut pinngitsuuisinnaanerit pillugit aalajangersakkat nutaat.

Ilanngulluguttaaq ilaatigut atugaajumaartunut imaluunniit atorneqartussaasunut sermimik imermillu pitsaassusissatut piunasaqaatitik aamma pitsaassutsimik nakkutillinermut tunngasunik aalajangersakkat siunnersuummiippat, aammattaaq Kalaallit Nunaannit, Kalaallit Nunaannut, Kalaallillu Nunaanni usinik immakkut assartuisarneq pillugu

inatsisaasunit avaqqussinnaaneq pillugu aalajangersagaq.

Taamatut oqaaseqarlunga siunnersuut Inatsisartuni oqaluuserisassanngortippara.